

## A JOON GÃN NA DE NIE

**I** Maa Joon sere na koro a yin na turo a Yesu. A 'yer na dõo be be a wer pielfo daar, 'lo le si wõ a wo yeke na si nye wo. Si nye wo naa ni a si nibie na si sur wo ni a si mae nuur. A 'yer nya le i a nyevor.

**II** A nyevor nya le yi a Naaḡmin se ka wo de wiil si a si nye wo, 'lo le si dire a wo daaste na si muolo koro yi ika 'lo le i a nyevor na ba tara baarfõ e. 'Lo le dõo be a Saa Naaḡmin se, ka wo wa ir wo wiil si.

**III** Si 'yere na koro yi a le a sun mae na nye ti wõ, ka a le na ve ka sun ni yin na tara nebõ'yen, ka a sun ni a Saa Naaḡmin 'mataan a wo Bie Yesu Kiritito tara a nebõ'yen.

**IV** A nya le si sere koro yi kaa si chilfo na see.

**V** A 'yer won ko si ka si muolo koro yi ni nya, Naaḡmin in chaa ka libe ba be a wo 'yõo jaa e.

**VI** Ala i si 'yer naa ika sun ni 'lo tara na nebõ'yen ti chene chiine a libe po, si in jir ḡmarba na saa turo a yelmãe e.

**VII** Tiche ala i si chiine naa a chaa po nitaa le a 'lo na be a chaa po, sun tara na nebõ'yen ka a wo Bie Yesu jat pee a si yeldebe a jaa bar.

**VIII** Ala i si 'yer ika saa tara yeldeer jaa e, si bele na si mae, na saa tara yelmãe e.

**IX** Ala i si 'yer naa a si yeldebe ko Naaḡmin, won ven ko si, ti pee a si yeldebe a jaa bar, bojũu Naaḡmin in yelmãe soo ni nitor.

<sup>X</sup> Ala ı sı 'yer naa ıka saa maal yeldɛɛr jaa ε, sı bɔɔlo na Nãaηmın jir ηmara, na saa de a wɔ 'yer a sı nyãa pɔ ε.

## II

<sup>I</sup> N bibiir, n sɛɛrɛ naa anyã kurɔ yi ka yi ãsɔɔ jaa taa wa ıre yeldɛɛr ε, tıche ala ı ãsɔɔ wa ın yeldɛɛr, sı tara na po pire na be a Sãa sɛ̃. 'Lɔ lɛ ı a Yesu Kırısıtı na ı a Torfɔ Sɔɔ.

<sup>II</sup> 'Lɔ lɛ lo a sı yeldɛɛr bɔɔr kɔ sı, a ba ı sın tɛɛ ε, tıche a wer wɔ jaa.

<sup>III</sup> A nıtɔ lɛ sı de bɔɔn ıka sı be naa a wɔ sɛ̃, sın turo a wɔ nɛbınsı jũu.

<sup>IV</sup> Nıre 'yer ıka wɔ bɔɔn Nãaηmın tı ba ıre a lɛ won bin a nɛɛ ε, a nınyıne ın jir ηmara na waa tara yelmãɛ ε.

<sup>V</sup> Tıche nıre jaa na turo a Nãaηmın 'yer, sıre jaa Nãaηmın nɔ̃fɔ sɛɛn a wɔ pɔ. Nıtɔ lɛ sı de bɔɔn ıka sı be naa a wɔ pɔ.

<sup>VI</sup> Nıre jaa na 'yer ıka wɔ be naa Nãaηmın 'yɔɔ, wɔ chiine a lɛ a Yesu na dɔɔ chen.

<sup>VII</sup> N barmıne, a ba ı nɛbin paalaa lɛ n sɛɛrɛ kurɔ yi ε, tıche a bɔ̃kora a 'lɔ yın tara yi a pielfɔ lɛ, 'lɔ lɛ ı a nɛkora a yın wɔ.

<sup>VIII</sup> Tıche wɔ ın bɔ̃paalaa, bojũu a ın sıre a Yesu 'yɔɔ, naa mı ı sıre a yi 'yɔɔ, bojũu a libe tɔɔn 'laa, ka a sıre chãa chaara.

<sup>IX</sup> Nıre jaa wa 'yer ıka maa ben chãa pɔ, tı 'laar a wɔ yeɛɛ, wɔ chɛnɛ na be a libe pɔ.

<sup>X</sup> Nıre 'lɔ jaa na nɔ̃ a wɔ yeɛɛ ben a chãa pɔ, ka bon jaa ba be be na vɛ̃ ka wɔ ηme gber ε.

XI Tiche nure 'lo jaa na 'laar a wo yebe ben a libe po, na wo yooo a libe po, na waa boo a jie won chiine e, bojuu a libe joo wo naa.

XII N bibiir, n seere na a gan nya koo yu bojuu Naaŋmun ve naa a yu yeldebe ko yu a le a Yesu na i ko yu juu.

XIII Saamine, n seere na koo yu bojuu, yu boon a 'lo na yi a wer pielfo. Polbil, n seere na koo yu bojuu yu tooon a deer soo. Naa mi seere koo a yin bibiir bojuu yu boon a Saa Naaŋmun.

XIV N seb ko a yin saamine bojuu, yu boon a 'lo na yi a wer pielfo daar. N seb ko a yin polbil a Naaŋmun 'yer na be a yu 'yoo juu, yu kpe me na, na yu jeb too a deer soo.

XV Yu taa ure wa nono a Naaŋmun doodomosi bu bon jaa ban tara e. Ala i asoo jaa wa non a le, a Saa Naaŋmun nofo ba be a wo 'yoo e.

XVI Bojuu a boni anyã sin nye i naa a agã nya volaa ni a nibie volaa bu tara ja jur ni botarsi. A nyaana a jaa won na ure ba yi a Saa Naaŋmun se e, tiche a yi naa doodomosi se.

XVII A bodebe anyã mi poro na chiine, tiche nure 'lo jaa na ure a Naaŋmun bofo na ben be soo jaa.

XVIII N bibiir, a wer baarfo ta naa, nutaa le yin doo wo ika a bala na 'laar a Kirusito na wa naa, ba yoo le a banyana na be ka gba. Ala le si de boon ika a baraa soo le.

XIX A nibe banyana doo be a si se ti wa yi. Ka a ba yifo wiil ika baa tara si ni nebõ'yen e, sin ni bala ta i bõ'yen, ban taa be naa si se, tiche a ba yifo wiil ika baa poo si e.

XX Tiche yin 'lo, Yesu ko yi naa a wo Sɪɛ ka yi jaa bõo a yelmãɛ.

XXI N ba sɛɛɛ kuro yi bojũu yin ba bõo a yelmãɛ ɛ, tiche yin bõo a yelmãɛ lɛ. Bojũu yi mi bõon a jir na tɛɛ ni yelmãɛ.

XXII An lɛ ɪ a jir ŋmara? Nɪɛ 'lo na 'yer ɪka a Yesu ba ɪ a Nɪ-iraa ɛ, a nɪɛ 'lo lɛ 'laar a Kirɪsɪto. A nɪnyɪnɛ tor naa a Sãa ni a Bie jaa.

XXIII Nɪɛ 'lo na tor a Bie mi tor a Sãa, nɪɛ 'lo na 'yer chãa po ɪka Yesu lɛ a Nãaŋmin Bie, tara na nebõ'yen ni a Sãa Nãaŋmin.

XXIV Yɪ chɛnɛ tara a lɛ nɛ yin wõ a Yesu 'yer a pielfo, yin wa chɛnɛ tara a lɛ, yin tara na nebõ'yen ni a Sãa ni a wo Bie.

XXV Nɪtõ lɛ a Nãaŋmin 'yer ɪka won ɪ naa won vɛ naa ka sɪ tara nyevor na ba tara baarfɔ ɛ.

XXVI N sɛɛɛ na a anyãna kuro yi ɪka yi bõonõ sõ ni a bala na bar yi ti yi, ba buoro naa ɪka ba bel yi yin.

XXVII A yin 'lo, ba kõ tõo bel yi ɛ, bojũu Yesu ko yi naa a Sɪɛ ka wo be a yi 'yõo. A Sɪɛ na ɪ yelmãɛ na wile yi jũu, yaa lɛ buoro ɪka nɪɛ wo wiil yi a yelmãɛ go ɛ, tiche a Sɪɛ a Yesu na ko yi vɛ naa ka yi bõo a yelmãɛ, ka ala mi a Sɪɛ na wile ɪ yelmãɛ, jir jaa ba be be ɛ. A lɛ jũu, yi chɛnɛ tara a Yesu ni nebõ'yen nɪtãa lɛ a Sɪɛ na 'yer yi.

XXVIII A lɛ jũu n bibiir, yi chɛnɛ tara a Yesu ni nebõ'yen, ka 'lo wa yi a saaju lɛɛb waara a wer po, sɪn tara na nyãa ka dãbãɛ kõ kuro sɪ a wo tuorfɔ ɛ.

XXIX Yɪ bõon naa ɪka a Yesu yele tor naa, nɪɛ jaa mi na maala a lɛ, mi ɪ naa a Nãaŋmin bie.

### III

I Nye le a si Sãa na nõ si jã. Wõ soon buolo si a Nãanmın bibiir, ka si mı sıı ı! A le jũu, a wer nıbe ba bõo wõ ε, ala le so ban ba bõo si ε.

II N barmıne, põpãanyã, si ı naa Nãanmın bibiir, saa bõo le sun na be daar kõo ε, tıche si bõon naa ıka, a Yesu wa lıeb wa a wer nyã põ, sin nye naa a le won na be, na si kaara a wõ kaar.

III Yı ãsõo jaa na tara a tıerto nyãna a Yesu 'yõo, wõ ir wõ mãe yin dıer põ, nıtãa le a Yesu na ı cheche.

IV Nıre 'lo jaa na chene ıre yeldıer, a nınyıne sõonõ naa a Nãanmın nebinsı ala won bin, bojũu waa tara Nãanmın nı nebõ'yen ε.

V Tıche yı bõon ıka Yesu ba maal dıer ε, a le ka wõ wa ıka wõ wa de a si dıebe bar.

VI A le nıre 'lo jaa na tara Yesu nı nebõ'yen, wõ maa le chene ıre yeldıer go ε, tıche a nınyıne wa chene ıre yeldıer, waa bõo a Yesu nı a nınyıne won ı ε.

VII N bibiir yı bõonõ sõ, ka nıre jaa taa bele yı ε. Nıre 'lo na maala a le na tor, wõ ı naa nıtor nıtãa le Yesu na ı nıtor.

VIII Nıre 'lo jaa na chene ıre yeldıer yı naa a tu sã, bojũu 'lo le ıre yeldıebe yı a wer pielfõ. Ala le so ka Yesu na ı Nãanmın Bie wa ıka wõ wa sõo a tu tõmõ.

IX Nıre 'lo jaa na wa ı Nãanmın bie, maa le sεε ıka wõ le ıre yeldıebe go ε, bojũu Nãanmın befõ be naa a wõ yõo. Wõ kõ le chene ıre yeldıebe go ε, bojũu wõ ın Nãanmın bie.

X Nıtõ le si de bõon a Nãanmın bibiir nı a Tu bibiir. Nıre 'lo jaa na ba wa turo a Nãanmın neε

'lo won bin bu na waa le nõ a wo yeer, waa i Nāanmın bie ε.

**XI** An yi a daar 'lo jaa yın piel soo Yesu, yi wõ naa a Nāanmın 'yer bie na 'yer ıka sı nõ taa.

**XII** Yi ta i a sı kaara a Kain kaar ε, wõ tara na a deer soo tier na wõ kũ a wo yebile. Bo le so won kũ a yebile? Bojũu a Kain tõmõ ın deer, tiche ka a wo yebile tõmõ tor. 1

**XIII** N yeer, yi ta vë ka a fer yi ala i a nıbe na be a wer põ wa 'laar yi naa ε.

**XIV** Sı bõon nara ıka sı nõ naa a sı taaba. A wiil ıka sı yin kũu põ, tı kpe nyevõr na ba tara baarfõ põ. Nıre 'lo na ba nõ a wo yebe ε, wõ chene na be kũu põ.

**XV** Nıre 'lo jaa na 'laar a wo yeer ın nıkõrõ a wo nyāa põ, ka yi mı bõon ıka nıkõrõ ba tara nyevõr na ba tara baarfõ ε.

**XVI** Sı bõon le a nõfo na be, bojũu Yesu soon kpi kũ sı, ka a mı see ıka, sı mı soo kpi kũ a sı yeer.

**XVII** Ala i a yi āsõo tara naa ka a seen wõ, tı nye a wo taa yeer an wõnõ ka wo lieb puor yõõ ba, a Nāanmın nõfo kõ tõõ be a wo soo 'yõõ ε.

**XVIII** N bibiir, yi ta vë ka sı nõfo i 'yerbie nı jālbir 'yerbie ε, tiche yi i ka sı sönõ taa nıtāa le a Nāanmın na nõ sı sıre jaa.

**XIX** A sı befo põ le sın bõõ ıka sı be naa a yelmāe põ soo 'lo jaa sın wa ara a Nāanmın niem soorõ wõ, sı kõ le joro dābāe ε,

---

1 **III:XII 3:12** Kain ın a Adama nı a Hawa bidadõõ. Nyuur jũu, wõ kon a wo yebile. (A Pielfõ Gån 4:1-16)

XX ala gba ɪ a sɪ tɪɛr 'yer ɪka sɪ maal dɛɛr. Bojũu Nãanɲmɪn bõɔn yeɛle jaa a sɪ nyãn pɔ, na wɔ bõɔ yeɛle jaa sɪn ɪɛ.

XXI N barmɪne, ala ɪ sɪ bõɔn naa a sɪ tɪɛr pɔ, ɪka sɪ maa chɛnɛ maala dɛɛr ɛ, sɪn wa sɔɔɔ Nãanɲmɪn, sɪ kõ joro dãbãɛ ɛ,

XXII sɪn nyɛn bon jaa sɪn sɔɔr yi a wɔ sɛ̃, bojũu sɪ turo naa a wɔ nɛɛ na sɪ ɪɛ a lɛ na pɛɛ a wɔ pɔɔ.

XXIII Nãanɲmɪn nɛɛ wɔn bin nɪ nyã, ɪka sɪ sɔɔ a wɔ Bie Yesu Kɪrɪsɪto yuor na sɪ nõ a sɪ taaba, nɪtãa a lɛ wɔn 'yer sɪ.

XXIV Bala jaa na turo a Nãanɲmɪn nɛɛ wɔn bin, ba ben a wɔ 'yõɔ, ka wɔ mɪ be a ba 'yõɔ. Sɪ bõɔn naa ɪka wɔ ben a sɪ 'yõɔ, a Sɪɛ 'lɔ wɔn de kɔ sɪ jũu.

## IV

I N barmɪne, yɪ taa ɪɛ wa sɔɔ nɪɛ jaa na 'yer ɪka wɔ tara na a Nãanɲmɪn Sɪɛ ɛ, tɪchɛ yɪ bɛɛr a nɪnyɪnɛ 'lɔ kaa, ka ala ɪ a 'yer wɔn 'yɛɛ yɪn a Nãanɲmɪn sɛ̃. Bojũu jɪr 'yɛ'yɛrbe yɪ naa jɪɛ jaa na ba 'yɛɛ ɪka a lɛ ban 'yɛɛ Nãanɲmɪn lɛ kɔ ba.

II Nɪtõ lɛ yɪn de bõɔn a nɪɛ 'lɔ na yɪ a Nãanɲmɪn sɛ̃, nɪɛ 'lɔ nɪ wa 'yer ɪka Yesu wa naa a wɛr pɔ nɪtãa nɪsaal, a nɪɛ 'lɔ lɛ yɪ a Nãanɲmɪn sɛ̃.

III Nɪɛ jaa wa tɔr a lɛ ba yɪ Nãanɲmɪn sɛ̃ ɛ, a nɪɛ nyã lɛ 'laar a Kɪrɪsɪto, a 'lɔ yɪn wõ ɪka wɔn wa naa, 'lɔ lɛ be be a wɛr pɔ a põpãnyã.

IV N bibiir, yɪn 'lɔ ɪn Nãanɲmɪn nɪbe na yɪ tõɔ ba, bojũu a Nãanɲmɪn Sɪɛ 'lɔ na be a yɪ pɔ, bɛrma naa gar a dɛɛr sɔɔ 'lɔ na be a wɛr pɔ.

V A jir dēme banyāna na 'yer ɪka Nāaŋmɪn le kɔ ba a wiilfo anyāna ɪ naa a wer nyā nɪbe. Ka a ba wiilfo ɪ a wer nyā pɔ wiilfo, ka a bala na ba ɪ Nāaŋmɪn nɪbe ε, ma sɔɔ a ba wiilfo.

VI Sɪn 'lo ɪn naa a Nāaŋmɪn nɪbe. Nɪre 'lo jaa na bɔɔ Nāaŋmɪn, ma sɔɔ naa a le sɪn wile, tɪ nɪre 'lo na ba bɔɔ Nāaŋmɪn ε, maa sɔɔ a le sɪn wile ε. Nɪtɔ le sɪn tɔɔ bɔɔn ka a nɪnyɪne na 'yere tara naa Nāaŋmɪn Sɪε 'lo na ɪ a yelmāε, bu nɪre 'lo na yi a Satan sɛ na ɪ a jir ŋmara.

VII N barmɪne, yɪ vɛ a sɪ wile taa nɔfo. N 'yer naa a nɪtɔ bojɔu Nāaŋmɪn le ma vɛ a sɪ ma tɔɔ nɔ taa. Nɪre 'lo jaa na wa nɔ a wɔ tɔ sɔɔ, a wiil ɪka Nāaŋmɪn bie le wɔ ɪ na wɔ bɔɔ Nāaŋmɪn.

VIII Nɪre 'lo jaa na baa wa nɔ a wɔ taaba ε, ba bɔɔ Nāaŋmɪn ε, bojɔu Nāaŋmɪn befo wɔ jaa ɪn nɔfo.

IX A sɔr nyā le Nāaŋmɪn tu wiil a wɔ nɔfo kɔ sɪ. Wɔ vɛn a wɔ Bibɔ'yen tɛε ka wɔ wa a wer pɔ, a wɔ jɔu, sɪ tara na a yelmāε nyevɔr.

X Nɪtɔ le a nɔfo be, a ba ɪ sɪn le nɔ Nāaŋmɪn ε, tɪche 'lo le nɔ sɪ, na wɔ tɔ a wɔ Bie ka wɔ wa lo a sɪ yelɛbe bɔɔr kɔ sɪ.

XI N barmɪne, an ɪ Nāaŋmɪn le nɔ sɪ a nɪtɔ, a mɪ sɛε naa ɪka, sɪ mɪ nɔ taa.

XII Nɪre jaa ba nye Nāaŋmɪn le wɔn be ε, tɪche sɪn wa nɔ taa, sɪn nɪ Nāaŋmɪn tara na nebɔ'yen. Ka a Nāaŋmɪn nɔfo 'lo na be a sɪ 'yɔɔ chaar kɔ a nɪbe.

XIII Nāaŋmɪn kɔ sɪ naa a wɔ Sɪε, a le jɔu le sɪ bɔɔn ɪka, Nāaŋmɪn ben a sɪ 'yɔɔ, ka sɪ mɪ be a wɔ 'yɔɔ, ala le so sɪn nɪ Nāaŋmɪn na tara nebɔ'yen.



XIV Sı nyε naa na sı mı di dāaste ıka a Sāa tō naa a wō Bie ka wō wa faa a wer nıbe.

XV Nāanmın tara na nebō'yen nı nıre nyā na 'yer chāa pō, tı sōō ıka Yesu ı naa Nāanmın Bie, ka sı bōōn ıka Nāanmın nı a nınyıne tara na nebō'yen.

XVI A le sın 'lo, sı bōōn naa na sı sōō de ıka, Nāanmın nō sın sōō jaa. Nāanmın ın nōfo sōō. Nıre mı na nō Nāanmın nı a wō taaba, wō ben Nāanmın 'yōō, ka Nāanmın mı be a wō 'yōō.

XVII Sın 'lo a Nāanmın nōfo chaara a sı pō, ka dābāe kō kuro sı a sōō 'lo sın wa ara a wō niem a 'yer tōorfō daar ε. Bojūu a wer nyā pō sı kaar naa nıtāa Yesu.

XVIII Dābāe ba be nōfo pō ε, tıche nōfo na chaar ma diin dābāe bar, bojūu dābāe ma kpēn nıre won joro gefō. Nōfo mı na chaar, ba joro dābāe ε.

XIX Bojūu Nāanmın le de nie nō sı, ala le so a sı mı nō wō.

XX Ala ı nıre 'yer ıka wō nōn Nāanmın, tı chene 'laar a wō yeε, a nınyıne 'lōnō ın jır ηmara. Bojūu nıre 'lo jaa na ba nō a wō to sōō won nyen nıbir, kō tōō nō Nāanmın won ba nyen nıbir ε.

XXI A neε le a nyā a Nāanmın na 'yer bin, nıre 'lo jaa na nō a 'lo Nāanmın see naa ıka wō nō a wō taaba.

## V

I Nıre 'lo jaa na sōō ıka Yesu le ı a Nı-iraa, ı naa Nāanmın bie. Nıre 'lo na nō a sāa mı nō naa a bie.

II Nıtõ le sın de bõon ıka sı nõ naa a Nãaηmın bibiir ala ı sı nõn a Nãaηmın na sı turo a wõ neε won bin.

III Nıtõ le sın de bõon ıka sı nõn Nãaηmın sıre jaa, ala ı sı tun a le jaa won 'yer ka sı tu. A ba ı tuo ka sı na tu a le jaa won 'yer ıka sı tu ε.

IV Bojũu nıre jaa na ı Nãaηmın bie ma lieb puor 'yõo a sör debe ala a nıbe na turo. A le vë naa, ka wõ ma tõo tor a sör debe ala a nıbe na turo, Yesu won soo jũu.

V An le na tõo lieb puor 'yõo a wer? Nıre 'lo tee na soo ıka Yesu le ı a Nãaηmın Bie.

VI A Yesu Kırısto nyã le wa a ba so wõ Nãaηmın kõo nı a wõ jãı. Waa so a kõo tee ε, tı wõ kpi naa na wõ kpaar a wõ jãı, ka a Sıε mı di a wõ dãasıε, bojũu Nãaηmın Sıε ma 'yere naa yelmãε.

VII Bojũu dãasıesı ata le be be,

VIII a Sıε, nı a kõo, nı a jãı, ka a jaa ata dãasıε ı nebõ'yen.

IX Ala ı sı ma soo naa nısaal dãasıε, sın soo naa Nãaηmın dãasıε 'lo won di a wõ Bie 'yõo, bojũu Nãaηmın dãasıε berma naa gar nısaal dãasıε.

X Nıre 'lo jaa na soo a Nãaηmın Bie, a dãasıε nyã be naa a wõ nyãa pɔ. Nıre nyã jaa na ba wa soo Nãaηmın ε, wõ bool won jir ηmara bojũu waa soo a dãasıε won di a wõ Bie 'yõo ε.

XI A dãasıε nı nyã, Nãaηmın kɔ sı naa nyevor na ba tara baarfɔ ε, ka a nyevor nyã be a wõ Bie 'yõo.

XII Nıre 'lo na tara a Bie, tara na nyevor na ba tara baarfɔ ε. Nıre 'lo na ba wa tara a Bie ε, ba tara nyevor ε.

**XIII** N seb kō a yin bala na sōō a Nāanmūn Bie yuor, ka yin bōō ũka yī tara na nyevor na ba tara baarfō ε.

**XIV** A 'lafō nyā le sī tara ũka, sūn wa sōor Nāanmūn a le won bōorō, won wō naa naa.

**XV** Ka ala ι sī bōōn na ũka Nāanmūn wō naa a le sūn ma sōor wō, sī bōōn naa ũka sī tara na bon jaa sūn sōor wō.

**XVI** Ala ι yī wa nye naa a yī tō sōō na ure yeldēer kōō na kō sōō wō ε, yī sōor Nāanmūn ka wō vē kō wō. Tiche yeldēbe amūne ben be fon na ι ka Nāanmūn kō vē kō fō ε, n ba 'yer ũka yī sōor a ala ε.

**XVII** Yeldēbe a jaa ũn yelbier, tiche yelbier a jaa baa kōrō kūy ε.

**XVIII** Sūn bōōn naa ũka nire 'lō mī na wa ι Nāanmūn bie, kō le chene ure yeldēer ε, Nāanmūn Bie na gu ba naa ka a dēer sōō kō sūr ba ε.

**XIX** Sūn bōōn naa ũka sī ũn Nāanmūn bibiir, ka a wer wō jaa be a dēer sōō tōōfō pō.

**XX** Sī mī bōōn naa ũka Nāanmūn Bie wa naa, 'lō le vē ka sī bōō a Nāanmūn nyā na ι a yelmāε. Sī be naa a Nāanmūn nyā nī a wō Bie Yesu Kırısto 'yōō. 'Lō le ι a yelmāε Nāanmūn nī a nyevor na ba tara baarfō ε.

**XXI** N bibiir, yī tōō yī māε yin botube jaa pō.

**A Nãanmun Netur Oaala Gãn, Burfoor  
Birifor, Southern: A Nãanmun Netur Oaala Gãn,  
Burfoor New Testament**

copyright © 2006 Wycliffe Bible Translators, Inc.

Language: Birifor, Southern

Contributor: Aramaic Bible Translation, Inc.

All rights reserved.

2020-11-30

---

PDF generated using Haiola and XeLaTeX on 18 Apr 2025 from source  
files dated 29 Jan 2022

97b1f1fe-19fd-52d9-9481-ad2a6ade2772